

ՊԱՏՄԱԿԱՆ ԽՈՇԿԱՇԵՆԸ ԵՎ ՆՐԱ ՀՈՒՇԱՐՁԱՆՆԵՐԸ

ՍԱՄՎԵԼ ԿԱՐԱՊԵՏՅԱՆ

Խոշկաշեն. (այժմ Ղարաբուլազ) գյուղը գտնվում է Բուն Աղվանք երկրամասի Կապադակ (Ղապառ) գավառում, Դուրկան գետի (Կուրի ձախ վտակն է) աջ բարձրագիր ափին (այժմ Ադրբեջանական ՍՍՀ-ի Վարդաշենի շրջան)։ Պատմաճարտարապետական հուշարձաններով հարուստ Խոշկաշենը հայ մատենագրության մեջ առաջին անգամ հիշատակվում է 1434 թ., Խուշփայշեն ձևով։ Այդ թվականին Աղվանից Մաթեոս կաթողիկոսից ոմն Եղիշա Իրիցի գնած ավետարանի հիշատակարանում կարգում ենք. «Եւ Եղիշայ երէցս զընցի զաւետարանս ի տէր Մաթէոս կաթողիկոսէն՝ ՌՄ (1200) զեկանայ, վկայութեամբ Եղունգեցի Ովանէս իրիցուն, վկայութեամբ Խոշփայշէն Մանուէլ իրիցուն, վկայութեամբ Սուկուբլու զարբուն Գաւղումին, յիշատակ ինձ, և ծնողաց իմոց, և ամենայն արեան մերձատրաց, հարն իմոյ Շատուն, և մարն իմոյ Գուգուլին, եղբարն իմ Արթուրշին և Սալդուրշին ի պարոնութեան Ամիրխալիլին և որդոյն իւրոյ Վահրամին։ Թիւն ՊՁԳ. (1434)»²։ Հիշատակարանում նշված երեք բնակավայրերն էլ (Եղունգ, Խոշփայշեն և Սուկուբլու) գտնվել են Կապադակ գավառում։ Դրանցից առաջինը, որն աղբյուրներում հայտնի է նաև Եղունգիձ ձևով, եղել է երկրամասի գլխավոր հոգևոր կենտրոն Ճալեթի սր. Աստվածածին վանքին խիստ մոտ։ Սուկուբլուն, որ հայտնի է իբրև զրուբյան կենտրոն և Աղվանից Թումա կաթողիկոսի ծննդավայր, գտնվում է Խոշկաշենից 5 կմ արևմուտք։ XIX դ. վերջերին գյուղ է այցելել Մ. Բարխուտարյանցը, և խիստ սահմանափակ տեղեկություններ հաղորդել Խոշկաշենի մասին։ Ըստ Մ. Բարխուտարյանցի, գյուղն անցյալ դարավերջին ուներ 77 տուն հայ բնակչություն (268 արական, 222 իգական) և բաժանված էր երկու թաղամասի։ Թաղամասերից յուրաքանչյուրն ուներ իր եկեղեցին։ Արևմտյան թաղում էր սր. Եղիշե, իսկ արևելյանում՝ սր. Աստվածածին եկեղեցին⁴։

Այժմ եկեղեցիներից պահպանվել է միայն արևելյան թաղինը։ Սր. Եղիշե եկեղեցին, որը գտնվել է արևմտյան թաղում, ներկայումս հիմնահատակ կործանված է։ Սր. Աստվածածին եկեղեցին ամբողջապես կանգուն է (նկ. 1ա)։ Այն եռանավ բազիլիկ տիպի շենք է (գծ. 1)։ Երկթեք ծածկը պատված է հողով։ Միակ դուռը բացվում է հարավային ճակատից։ Եկեղեցին ամբողջապես կառուցված է անտաշ և կոպտատաշ քարերով. սրբատաշ են միայն շենքի արտաքին և դռան անկյունաքարերը՝ բարավորով հանդերձ։ Սրբատաշ են նաև կոնսոլիդատիվ առավել չափաքանակա մասերը՝ սյուները (թվով չորսն են), որմնասյուները և թաղակիր կամարները (նկ. 1բ)։ Եկեղեցու արևելյան կողմում ավագ խորանից հյուսիս և հարավ կան մեկական ուղղանկյուն հատակագծով ավանդատներ։ Եկեղեցուց բացվում են թվով վեց դեպի ներս լայնացող լուսամուտներ, որոնցից 3-ը՝ արևելյան ճակատից, 2-ը՝ հարավային, 1-ը՝ արևմտյան։ Եկեղեցու որմերին պահպանված միակ արձանագրությունը, որ փորագրված է դռան սրբատաշ բարավորի վրա հետևյալն է.

ՇԻՆԷՑԱԿԻ ԽՈՇԿԱՇԵՆԻՆՈՒՅ ԳՈՂԻ ՍՅՈՒՐԻՐ ԵԿԵՂԵՑԻՍ

ՀԱՍԱՐԱԿՈՒԹՅԱՆ ԱՐԴԵԱՄՔԻՆ 1887 ԱՄԻ.


1 Համանուն գյուղ կա Սյունիքի Երնշակ գավառում։

2 Լ. Խաչիկյան, ԺԵ ղարի հայերեն ձեռագրերի հիշատակարաններ, մասն Ա, Երևան, 1955, էջ 439։

3 Նույն տեղում, էջ 425։


4 Մակար Եպիսկոպոս Բարխուտարյանց, Աղվանից երկիր և դրացիք, Թիֆլիս 1893, էջ 218։

5 Թե՛ գյուղի գերեզմանոցներում պահպանված տապանագրերում և թե՛ գրականության մեջ Խոշկաշենի նման անվանաձևի շենք հանդիպել, Ըստ երևույթին արձանագրության մեջ «ԿԱՑ ՎԱՆԿԻ ԿՐԿՆՈՒՄՈՒՆ ԶՐՆԻ ԿՈՂՄԻՑ ԹՈՎՍ ԵՐԿԱՆ Է»։



Նկ. 1.


Խոշկաշենի շրջակա տարածքում պահպանված ամենաարժեքավոր հուշարձանը Եղիշե Առաքյալի վանքն է, որը գտնվում է գյուղից 1 կմ արևելք, Դուրկան գետի աջ կողմում, անտառածածկ ձորալանջին, XVII դ. այգ կառույցը Կուրի ձախափնյակի հայ ճարտարա-



Գծ. 1

պետության կարևոր նմուշ է, Այն արժանի տեղ ունի համահայկական ուշ միջնադարյան պաշտամունքային ճարտարապետության մեջ և կարող է լուրջ ուսումնասիրության և հետազոտության օբյեկտ դառնալ:

արձանախումբը բաղկացած է եկեղեցուց, գավթից, միաբանական սենյակներից և զերեզմանոցից: Վանքի գլխավոր շինությունները՝ եկեղեցին և գավթը, կառուցված են սրբատաշ դեղնավուն շին քարով, կրաշաղախով, իսկ միաբանության սենյակները՝ կոպտատաշ ու անտաշ քարերով (գծ. 2): Եկեղեցին հորինվածքով եռանավ բազիլիկ է, որի երկթեք ծածկի տակ առնված թաղը պահում են տաճարի կենտրոնի զույգ սյուները: Եկեղեցու արևելյան



Նկ. 2.

կողմում ավագ խորանն է, որից հյուսիս և հարավ կան մեկական ավանդատներ: Վերջիններիս դռները բացվում են արևմտյան ճակատներից սրահի մեջ: Արևելյան կողմում կիսաշրջան եզրագծով ավագ խորանի տակ կառուցված է մի թաղակապ սենյակ, որն ունի երկու դուռ (հարավից և հյուսիսից): Դրանցից յուրաքանչյուրը բացվում է համապատասխան կողմի ավանդատան մեջ: Ստորգետնյա այս թաղակապ սենյակը (չափերը 2,95×2,85 մ), հավանաբար, ծառայել է իբրև զաղտնարան-պահոց: Այն կառուցված է անտաշ քարերով ու պատված է սվաղով: Թաղը կիսաշրջանաձև է: Եկեղեցին ներսից կառուցված է անտաշ ու կոպտատաշ քարերով, կրաշաղախով: Բացառությամբ նաև կազմում սյուները, որմնասյուները, թաղակիր կամարներն ու ավանդատների դռների անկյունաքարերը: Ստրատաշ քարով է շինված նաև ավագ խորանը, որից արևելք բացվում է դեպի ներս լայնացող մեկ լուսամուտ: Ավագ խորանից բացվում են նաև երկու խորհրդարաններ: Եկեղեցին ունի ևս 5 լուսամուտ, որոնցից երկուսը՝ ավանդատներից դեպի արևելք, մյուս երկուսը՝ հարավային ճակատից (մեկը հարավ-արևելյան ավանդատից, մյուսը սրահից), իսկ վերջինը՝ արևմտյան ճակատից (գավթի ուղղությամբ): Թաղակիր երկու սյուները կերտված են զանգվածեղ սրբատաշ քարակտորներից: Դրանք հիմքում ունեն պարզ կտրվածքով խարիսխներ, իսկ վերջում՝ նույնատիպ խոյակներ: Եկեղեցին ունի երկու դուռ՝ հարավից և արևմուտքից (Նկ. 2բ): Նկատվում է, որ գավթը հետագայում է արևմուտքից կցվել եկեղեցուն, այլապես եճղեցու արևմտյան դուռը չէր ունենա հանդիսավոր տեսք ու մեծ չափեր: Եկեղեցու դռներից արևմտյանը ներկայումս խիստ ավերված է: Բարավորի և անկյունաքարերի վերին մասերը տեղում չեն պահպանվել: Մնում են միայն վերջիններիս ստորին սրբատաշ քարերը: Հարավային դուռը, որը բացվում է ճակատի արևմտյան կողմից, պահպանվել է ամբողջությամբ: Սրա բարավորի արտաքին երեսին փորագրված է երկտող արձանագրություն, որը, ըստ Մ. Բարխուտարյանցի, վերարերում է եկեղեցու վերանորոգությանը: Սակայն վիմազրի բովանդակությունը նման ենթադրության հիմք չի տալիս: Ահա այդ արձանագրությունը.


Ի ԲՐԻՍՏՈՍՍ ՅԻՍՈՒՍ ՅԻՒՇԵՒԱԼ ՄԱՂԹԵՄ ԶՎԼԱՍԵ

6 Վլաս վարդապետ Աղվանից կաթողիկոսության Շամախու թեմի առաջնորդն էր, որի մասին 1671 և 1688 թթ. հիշատակություններ են պահպանվել համապատասխանաբար Սուրբ-Սուրբ եկեղեցում և Մեյսարու սբ. Աստվածածին վանքում: Հետաքրքրական է, որ ընա-

ՎԱՐԴԱՊԵՏՈՒՄ (1682 թ.)⁷։

Եկեղեցու որմերին այլ արձանագրություններ չեն պահպանվել։ Ինչպես նշեցինք, գավիթը, որը կառուցված է համակ սրբատաշ քարերով, եկեղեցուն կից է արևմուտքից։ Այն իր հորինվածքով պատկանում է երկու զույգ փոխհատվող կամարներով իրականացված կենտրոնական գավիթների տիպին⁸, որոնց ընդարձակ թուխքը, առանց միջանկյալ սյուների, պահել է ասորղ ծածկը։ Եղիշե Առաքյալի վանքի ներկա օրինակում ուշագրավն այն է, որ կառուցողական միենույն սկզբունքը կիրառվել է ոչ միայն XII—XIII դդ., այլև ուշ միջնադարում՝ XVII դ.։ Գավիթը ներքուստ ունի մոտավորապես քառակուսի չափեր (6,3×7 մ)⁹։ Նրա հյուսիսային և արևմտյան պատերը արտաքինից հաված են թեթև բլրալանջին և այդ հատվածներում սրբատաշ Լրեսապատն իրականացված է միայն ներքուստ։ Որմնասյուների վրա հենված որմնակամարները լուծված են սլաքաձև (երկկենտրոն) տարբերակով։ Գավիթը ծառայել է նաև իբրև տապանատուն, որտեղ բազմաթիվ գերեզմանաքարերի մեջ եղել է մի արձանագիր տապանաքար։ Այն Մ. Բարխուտարյանցը ժամանակին ընդօրինակել է։ Ստորև ներկայացնում ենք այդ տապանագիրը։

ՀԱՆԳԻՍՏ ՅՈՒՂԱՆՆԷՍ ՎԱՐԴԱՊԵՏԻՆ ՊԱՇՏԱՂԹԻՍՈՒՄԵՆ (1706)¹⁰։



Գծ. 2.

Ներկայումս բոլոր տապանաքարերը գավթի փլատակների տակ են։ Վանքի մյուս շինությունները մեկը մյուսին կից միարանոթյան սենյակներն են, որոնք մի շարքով ձգվում են

լից Շամսու հոգևոր առաջնորդության իրավասությունն ընդգրկող տարածքը հյուսիս-արևմուտքում սահման ունեն Սուրբ (Գրիգորյան) գետը, այնուամենայնիվ, այդ թեմի առաջնորդությանն էին պատկանում թե՛ Եղիշե Առաքյալի վանքը և թե՛ դրանից ավելի արևմուտք գտնվող Սուրբ Սուրբ գյուղը։

7 Մ. Բարխուտարյանցը բաց է թողել տապանավորը՝ Լ.-ն, (սկզբնական երկիր և դրացիք, էջ 219)։

8 Նմանատիպ գավիթներ ունեն, օրինակ Նոր Վարազ, Խորակերտ, Դեղձնուտ, Նորավանք, Ուշիի սբ. Սարգիս, Հոռեկ (Գլխո), Բոհի եղցի, Բարդուղիմեոսի վանքերը։

9 Հոգվածում ներկայացված հուշարձանների չափագրությունները կատարել են Հ. Ասատրյանը, Մ. Սարգսյանը և տղերքիս. հեղինակը։

10 Պաշտոնադր գյուղատեղը եկեղեցու և գերեզմանատան ավերակներով հանդերձ գտնվում է Սարաթլու գյուղի մոտակայքում (Շաքիի շրջան)։

11 Մ. Բարխուտարյանց, նշվ. աշխ., էջ 219։

ավելի քան 20 մ երկարությամբ, Սենյակների հյուսիսային ծայրը դավթին կից է հարավից: Միաբանության բոլոր սենյակներն էլ արևմուտքից զավթի նման խրված են թեթ քլորալանդի մեջ, իսկ մուտքերը, առանց բացառության, բացվում են արևելյան ճակատներից: Վանքի զբլիսավոր կառույցների համեմատ միաբանության շենքերն առավել վատթար վիճակում են: Դրանց մեծ մասը հիմնովին ավերված է և միայն հատակագծերն են ուրվագծվում: Համեմատաբար բարձր վիճակում է սենյակներից մեկը (պահպանվել է թաղի մի մասը): Միաբանության բոլոր սենյակներն էլ կառուցված են հղել անտաշ ու կոպտատաշ քարերով, կրաշաղախով: Պատերի վրա նկատվում են սվաղի հետքեր: Սրբատաշ քարեր օգտագործվել են միայն արևելյան ճակատներից բացվող դռների և սենյակների ներսում հղած խորշերի մեջ՝ իբրև անկյունաքարեր: Միաբանության շենքերից ցած նկատվում են մի ինչ որ շինության ավերակներ՝ ծածկված մացառներով ու լցված հողով:

Վերը նշված կառույցների միջև տարածվում է վանքի գերեզմանոցը, ուր պահպանվել են բազմաթիվ տապանաքարեր: Միակ արձանագիր գերեզմանաքարը, որ գտնվում է եկեղեցու հարավային պատի տակ, ունի հետևյալ վիմագիրը.

ԱՅՍ է ՏԱՊԱՆ ԽՈՇԿԱՇԻՆՑԻ

Տ/Է/Ր ՑԱՐՈՒԹՈՒՆԻ, ՈՎ ՀԱՆՏ-

/Ի/ՊԻ ՍՈՑՆ ՏԱՊԱՆԻ ԱՍԱՑԻ

Ա/ՍՏՈՒԱ/Ծ ՈՂՈՐՄԻ 1866 ԱՄԻ:

Ամենայն հավանականությամբ, Եղիշե Առաքյալի վանքը գործել է մինչև թուրք չարդարանների կողմից 1918 թ. Խոշկաշեն գյուղի ողջ ազգաբնակչության ոչնչացումը: Խոշկաշենը նորից բնակելի է դարձել 1950-ական թվականներին, երբ այդտեղ մշտական բնակություն են հաստատել մի քանի լեզգի ընտանիքներ:

Հայաթափ Խոշկաշենի գերեզմանոցները ենթարկվել են գանձախույզների ավերածություններին, տապանաքարերն օգտագործվում են իբրև շինանյութ: Ներկայումս Խոշկաշենի երկու գերեզմանոցներում պահպանվել են 21 արձանագիր տապանաքարեր (նկ. 2ա): Խոշկաշենում պահպանվել են նաև հայ վարպետների կառուցած երկու աղբյուր, որոնք այժմ էլ գործում են անխափան:

ИСТОРИЧЕСКИЙ ХОШКАШЕН И ЕГО ПАМЯТНИКИ

САМВЕЛ КАРАПЕТЯН

Р е з ю м е

Село Хошкашен (ныне с. Карабулах Вардашенского района Азербайджанской ССР) находилось в области Капагак (Кабала), на территории исторического Бун Агванка (левобережная Албания), на правом берегу р. Дуркан (Турианчай, левый приток реки Куры). В древнеармянской литературе упоминание об этом селе сохранилось начиная с 1434 г. В селе сохранились церковь св. Аствацацин (1887 г.), кладбище XIX в., монастырский комплекс Егише Аракек (XVII в.) и др. памятники. Эпиграфические надписи этого сельского кладбища имеют определенное этнографическое и лингвистическое значение.